





支那  
撰述

石門文字禪  
卷三  
四



16  
1123  
2





和6  
1123  
卷2

石門文字禪卷第三

宋江西筠溪石門寺沙門釋德洪覺範著  
門人覺慈編錄 西眉東巖旌善堂校

古詩

秀江逢石門微上人將北行乞食而予方南游  
衡嶽作此送之

筠袁唇齒邦一水連清碧朝行筠溪邊莫覓秀江色  
忽聞兒童音乃知身是客獨歸江上寺杖笠倚空壁  
犀顱會四海香火自朝夕相逢作熟視面數心莫識  
但記石門時笑頰清光溢驚定喜失聲卒語成小立



是時夜氣清隙月金蛇擲念君當北行鉢飯從誰乞  
我雖能少留秋燕社已逼一權偶然耳分首成陳迹  
他年何處逢話此空歎惜

游南嶽福嚴寺

生計居然成脫略投老南來看衡嶽禹谿久留因霖  
雨低摧悶若剪翎鶴朝來南尋度坡壠針水秧齊鳥  
聲樂風光融融一都會鬼祠雄深抱山脚梯空延綠  
止巉絕瘦策扶衰意超豁拂雲蒼杉雜錦石紫藤綠  
蔓相連絡石橋下視隔人世但覺嵐光翠如潑亭泓  
無波自紺碧澗草有香空錯莫忽驚梵宇墮林梢寶

勢飛翔照深壑欹斜萬礎盤蒼崖十步一樓五步閣  
冰柱瓊窓不知數旒蘇一一垂簾落犀顛道人相笑  
迎冰雪形容無在著午梵清圓林葉動天花細雨無  
時落凭高且復息疲頸心清別殿鳴風鐸雲開千里  
上眉睫吳楚江山見濃薄曙闌如女有正色春不洗  
粧秋拂掠紫蓋頎然似矜妬半出晴煙翠稜抹永懷  
堂堂武津老天骨開張耳重郭三生來游等兒戲靈  
山一會儼如昨他年遺跡舊巖下拴索猶存衆驚愕  
解云此山增智力鵬飛天風轉羊角江西駒兒快騰  
踏青原麒麟亦超卓折足鐺中過一生野蔬數根陳



五合故庵遺塔尚依然行誦神交付冥漠影不出山  
豈難事准擬茅齋就林縛退之南遷曾過此好語誇  
詞雜嘲噓自謂忠誠動嶽靈望碑字字猶精確但餘  
佳處不可狀浪禿霜毫秋色闊東坡唾笑成文章山  
川勝處多竒作莫年亦爲僭耳游不一過山山愧作  
爲君試將說禪口掉頭長吟擁山衲心曾便欲捏荒  
怪落紙雷掣散風電要將傑句酬佳景未怕山容作  
壘頰

福巖寺夢訪廓然於龍山路中見之

山高夜氣摧煩暑竹風爲作南軒雨夢隨柔櫓到西

興艤舟步入龍山塢蕭蕭松下逢睿郎問信遠來亦  
良苦覺來但記談笑歡不省權時竟何語計看篝燈  
一點明嶺海茫茫隔吳楚安得却如清夢中杖履追  
隨長爾汝

乾上人會余長沙

兀坐思歸不舉頭窓風爲我翻書葉衆中聞語認鄉  
里便覺石門寒疊疊雲庵已作白塔新當眼風枝心  
欲折道人叢林十年舊古寺青燈夜相接失聲方欲  
問江南忽憶去年淮上別逃空楚然聞足音見子冷  
人解愁結地爐火冷霜月苦一室誼譁終暖熱湘山



破曉立傳停秀抹，鉛華餘積雪。故應山亦爲余喜，隔岸遙看圓笑靨。千巖佳處可同游，明白波晴當理楫。黃魯直南遷，艤舟碧湘門外，半月未遊湘西作。

此招之

江夏無雙果無雙，子雲賦工未必爾。那知一飯在家，僧真是潛山癩居士。春湖白鷗未入手，衣冠林中作蟬蛻。平生俯視造物兒，兒頑不省猶相戲。羅浮舊游今再游，一念去來開眼睡。泊舟隔岸望湘山，應愛煙霏浮幕翠。快當著屐上，千巖要看松風迎。笑齒公雖妍蚩付，一自定自曾中有。涇渭我非破頭山下人，聞

絃賞音亦風味，知君不傳西土衣。一龍一蛇聊玩世

魯直弟稚川作屋峯頂名雲巢

只今海上青石牛，曾臥天子黃金屋。下看朱紫如堵，牆上前諸公。遭抵觸，眼高四海鏡面空。潛山歸來巾一幅，慚愧君家小馮君。自是河東真鸞鷲，文章五色體自然。秋水精神出眉目，人間不識但聞名。水非醴泉石非玉，江南一峯獨高寒。時時笑語雲間宿，弟兄出處兩相高。故作雲巢對山谷。

陳瑩中由左司諫謫康相見於興化同渡湘江宿道林寺夜論華嚴宗



范韓醉倒眠荒丘撼之不唐民始愁天生公副天下  
望雷霆聲名塞九州立朝嚴冷傳鐵面坐令鼠輩驚  
魚頭上前論事傷太直逆鱗投笏來南陔長沙共渡  
一水碧中流笑語驚沙鷗湘西古寺夜對榻高論自  
破千人浮華藏法界在掌握遇緣即宗甘自由世驚  
海隅在萬里我視閻浮同一漚坐中忽舉毗盧印印  
海印毛皆徧周大哉此法本無礙從公一游容我不

贈石頭志庵主

陝西道人最聲價自與老南相逼亞常恐清塵補綴  
難那知乃有如君者爭傳絕似餘杭標十年夢想空

飄飄邈來衡嶽祝融下一見便令人意消道骨清閑  
神秀徹湛湛光風磨霽月高談未了山日斜篆煙已  
滅灰如雪平生安得情相似可憐投分今如此且作  
山中盛事傳我忘朴陋君忘年

遇如無象於石霜如與睿廓然相好故贈之

西湖睿郎最高道思之不巳令人老道人相逢吳楚  
間聞說絕與睿郎好年來學富身轉貧豈特詩膽大  
於身法朋半是奇逸者我亦放浪無羈人霜威折綿  
寒入頰長廊無人風卷葉寒窓誦讀夏白吟和氣坐  
令寒妥貼筆端解語敏於口網牋時作龍蛇走煩君



清哦當少休萬象乞憐爭叩頭

石霜見東吳誠上人

我尋流水行忽入霜華谷山陰見幽人目帶湖山綠  
語溫如春風韻秀自拔俗暗驚枯木堂栖此一枝玉  
遙知夜窓深雪響亂脩竹寶書掩殘缸佳眠正清熟  
逸想在西興清夢不容逐覺來念行處小詩欲收錄  
詩成寫烏絲銀鈎奪人目斐几著牙籤興來還自讀

洽陽何退翁謫長沙會宿龍興思歸戲之

何郎西州來逸氣掃秋晚平生貯書腹中有文武膽  
材如駱賓王其直亦不減上書論國事忌諱失料揀

居然為逐客安免投手板世方例皮相我亦作白眼  
閉門古寺中一榻聊醫懶邇來偶病渴意緒覺蕭散  
頗懷當壚人楚岫屢欲鏟我從山中來攜被夜假館  
地爐擁紅金妙語容細款凜然忠義氣不肯受盤筍  
正恐復一吐與民作溫暖坐覺舟壑走歲月不可挽  
人生一夢耳勿作鏡中歎何當結後期相攜游汗漫

次韻道林會規方外

湘山半夜雨斷我西湖夢臥看讀書燈花作扶頭重  
曉窓晴潑眼倒桂聞么鳳起尋殿寒梅小立幽香噴  
柳絲不勝綰筓庭春脉動春色已如許樂事非一種



平生所懷人忽此笑語共雲軒為誰停危坐山衲擁  
 眼高空叢林志大骨森聳開懷見赤心麴麴飽談誦  
 坐客鶴腦側我亦快心孔袖中出新詩筆力發豪縱  
 風日麗醇醲黃泥初揭甕舌根有滄海潮辯自掀湧  
 何當橫枯藤齧鏃追兩本吾宗欲顛覆支者例闌茸  
 君能為我起逸足王良控我詩如石田疏理終無用  
 朝來強鉏墾秃筆時呵凍摩挲銅鑠腹博君一笑捧

致遷善石菖蒲

溪毛數葉一寸碧風姿底事能清癯戲將紅玉旋螺  
 石共置雪色花磁盃沙泉甘滑見毛髮時時酌以澆

根須蒼然斐几明窓下五月秋色磨肌膚已忘身世  
 在南嶽勿覺夢寐遊西湖遙知夏木午陰靜篆畦半  
 破煙舒徐莫翁睡足百事懶相看微笑依圓蒲

余作進和尚舍利贊遷善見而有詩次韻

進公事業頗拔俗欲憑妙語招遺魂文章種性欠踈  
 理焦茅故態何足論心知高人笑諛墓抱羞無地容  
 逃奔佳章忽來生喜氣風輪載我登崑崙徐觀筆力  
 作波險正與醉素爭弟昆山高水深世聽瑩愛子賞  
 音知道門

次韻莫翁豐年斷



此山分得僧中龍獨論懸斷今年豐定知曾次有造  
化是非飽更田舍翁清晨一雨符君說喜如初得丹  
砂訣精神矍鑠口垂涎一飽可期扶病劣老來百事  
不如人但願秣稔秋如雲莫如往年水車聯龜兆坼  
出生黃塵莫翁心地絕榛鹵圓中規而方中矩千偈  
平生如建瓴此詩可意真時雨我詩脫口酬未當只  
欲與君凭閣望萬頃連天綠錦光舞浪崩騰似春漲

喜會李公弱

韻如風蟬蛻塵垢氣如春容在楊柳風流翰墨俱細  
事自是吾家道門友十年契闊挂夢寐一見令人忘

白首況在祝融眉額間青碧連天雪晴後冷齋撥爐  
聞夜語雪灰消盡紅金斗君才合在臺閣間簿書堆  
中不應有且置玉堂風雨筆來試牛刀霹靂手民姦  
吏滑本有神到君難藏如鼻口臥駝忽起便過人再  
拜當為乃翁壽此詩乘怒勿示人願君低回為遮醜

次韻超然送照上人歸東吳

蕭寺霜晴日初吐曦光煙翠橫深塢經行遲立望吳  
山氣勢飛翔爭入楚山中有客冰雪姿十年不聽吳  
邦鼓忽然曳杖出山去安禪後夜知何處石龕看月  
莫降龍栗林暮過應衝虎此生聚散等浮雲可憐俯



仰成今古吳江一色軟瑠璃有寺正臨江上在他年  
法眼照人天贈詩詩取南州祖

金華超不群用前韻作詩見贈亦和二首超不

群剪髮參黃蘗

胷中蓄竒爲誰吐閑臥湘西雲一塢興來落筆如崩  
雲五字憑凌氣吞楚我詩望見倒降旗攻之何必更  
鳴鼓獨對湘山夜色晴萬壑千巖最幽處臥要明月  
聽松風爲君哦此文中虎此生身世付一戲安用聲  
名照千古知君大用參黃蘗三篋束腰隨處住何當  
峯頂結茅廬要看掀髯呵佛祖

道人秀發蘭牙吐家在金華最西塢不從大士携畫  
軸一筇千里來游楚評詩結髮師浣花論字童牙誇  
石鼓我皆不能但知愛亦似胷中有佳處氣韻條然  
松上鶴意態索寞穿中虎却於條然索寞中詩句時  
時出竒古乃知筆力有神助三峽迅流輒於住疑非  
蓬髮休上人定是禿頭楊德祖

赤河沙泉自吞吐北崦踈鐘答南塢凭欄試誦鵬鳥  
文洛陽少年亦翹楚當時七國犯謀議睢陽不復聞  
鼙鼓時更事往空流水豪魂英魄知何處金華衲子  
如玉清温粹愈恭如履虎明章秀句出倉卒慷慨山



川弔前古篇篇秀發春欲醞便疑造化毫端住不須  
衆口誇畫公茗溪君作中興祖

復用前韻送不群歸黃檗見因禪師

幽尋忽覺暗香吐竹西知有梅花塢一枝試摘與君  
看念君明白當離楚曼然飛去若驚鴻棄擲自嗟如  
臥鼓遙知旅枕生清夢夢到江南春好處蒼杉拂雲  
煙翠深爲弔太雄山下虎我識山中因徧頭骨自清  
堅貌淳古便欲閒提折脚鐺柏子庵邊結茆住行看  
談笑起雲門海上橫行如迺祖

送增上人奔母喪

黃梅爲法去睦州緣毋歸兩事世難兼一老其敢違  
君看去留意日月爭光輝子方童牙中已喜家翠微  
旣長游四方萬里孤雲飛方將追新豐冰雪橫鋒機  
計音輒僵臥聲吞淚沾衣平生哺烏情棲風無定枝  
大江浪如山飛棹不可追要當濟安流龍神嚴真威  
一盃春露香仰薦天地慈更期辦白業慰此罔極悲

送朱泮英隨從事公西上

文如水行川氣如春在花挾書隨乃翁千里游京華  
人生少年樂於子何以加上庠闕英俊過目知等差  
君才固逸羣如金渾泥沙明年對殿陛落筆翻龍蛇



遙憐綠槐陰絳帳張紅霞金門看躍馬蘆鞭作橫斜  
滔滔九衢中懽情浩無涯馭吏亦傲睨隱語相嘲諤  
紅粧鸚燕語拭目興歎嗟知誰乞佳句駿墨字如鴟

贈王聖侔教授

汝江軟碧搖寒空環江玉色羅五峯神奇融結孕千  
載於是代出文章公荆公道德輩孔孟致君勲業伊  
周同君侯才氣真不減行看接武隆休功妙齡人誇  
好風節氣壓穎汝何其雄曾經大筆戰文陣豪俊莫  
敢撓其鋒老師碩儒玉堂上爭看洒筆回春工果然  
一日蓋天下聲名焜燿馳華戎都城立石傳萬口上

林衿氣橫長虹巖僧廢棄誰比數亦復誦詠懽填曾  
迹微自恨不及識向風每覺勞雙瞳天公恤此慕善  
者固遣識面山水中坐令平昔心變滅譬如塵淨餘  
清銅自誇問道陝西老道人況亦參禪宗與君於法  
實昆弟姑留十日游從容拙詩別君無嶮句何從賞  
我雙頰紅他年揖讓對明王回顧此會成虛空蹄輪  
冠蓋塞門巷容我劇笑應無從

臨川陪太守許公井山祈雨書黃華姑祠

臨川富山水井山最深幽愧我今日來自非清散游  
試問井中龍吾行汝知不高秋嗜酣臥此計非良謀



晚稻已及穗，一雨足可收。曷不躍而起，霈然瀉南州。  
要看賢使君，放衙擁黃紬。

寄蔡子因

平生閱詩如閱馬，自憐雙眼如支遁。子因句法馬群  
空，爽氣橫秋太神駿。上苑花光纏肺腸，西湖霜曉磨  
風韻。較君年少翰墨場，賈生仲舒覺寒窘。醉中逃禪  
亦不惡，況復機鋒類龐蘊。奉身一飯聊自珍，富貴功  
名苦尋趁。鳳巢定生五色雛，文章從來論種性。嗟余  
索寞臥空山，多生垢習消磨盡。但餘欲識天下英，斃  
蛇脊尾猶一振。歲月去入江浪翻，何時仰此摩天峻。

驟雨

雷掣雨骨天為低，行雲趨走不敢遲。桐英滿地誰拾  
去，花態正矚魂欲飛。紫金蛇光誰掣斷，墮空萬點跳  
珠亂。須臾井滑紺無泥，瑠璃骨軟爭道馳。亂紅殘夢  
驚千片，可憐憔悴吳姬面。林光草色自連天，殘香依  
約知誰怨。

臨川康樂亭碾茶觀女優撥琵琶坐客索詩

小槽橫捧梳粧薄，綠羅綰帶仍斜搭。十指纖纖葱乍  
剝，紫燕飛翻初弄撥。梨園曲調皆品匝，歛容却復停  
時霎。日烘花底光似潑，嬌鶯得暖歌唇滑。圓吭相應



啼恰恰須臾急變花十八玉盤蔌蔌珠璣撒坐客漸  
欲身離榻裂帛一聲催合殺玉容嬌困撥仍插雪梅  
一枝初破臘

南豐曾垂綬天性好學余至臨川欲見以還匡

山作此寄之

我生少小秀不叢題詩落筆先飛鴻一從廢棄脫毛  
髮乃與石由樗木同平生百慮湛古井無復掀溷波  
春風尚餘覩書舊垢習終日伏按如啞聾默觀前古  
忠義輩光明碩大皆人雄聞之恨未目親歷周行四  
海如萍蓬猛聞君侯富道義浩然養就如嬰童筆端

五色藻造化經綸事業羅心曾揚清激濁出天性英  
聲不減狄梁公一節直走汝水上回首弊箒香鑪峯  
徘徊一月不及見癡坐掩扇知命窮霜清昨夜興飄  
忽匡山落我清夢中吾身去住本無繫便欲登舟而  
向東再惟君侯未我識恨遺他日山水重作詩願見  
亦不惡谷風從虎雲從龍

再游三峽贈文上人

肉身太士延平公眉毛如雪聲如鐘東坡醉眼亦多  
耳信口呼作僧中龍坐令玉色煙巒裏晨鐘暮鼓三  
千指而冷骨冷撼不應青燈白塔臨寒水上人談笑



有精色聞是延平坐中客紫霄峯下曾相逢別來幾  
 何頭已白地爐夜語尋前事當日交游半生死與君  
 等是三眠蠶浮世百年那免此我尋舊游聊自娛忽  
 然見君權有餘一笑且從吾所適後會重來知有無  
 泊舟星江聞伯固與僧自五老亭步入關先作

此寄之

煙霏含空青向晚望逾好欲行落瀑邊俊鶻屢側腦  
 偶攜白髮禪步盡青松道孤鴻聊送目瘦策自扶老  
 甚欲東澗陰縛屋安井竈我亦個中人歸計嗟不早  
 永愧巖上僧松鬣和雲掃

會蘇養直

方忻望廬山忽見蘇養直向來敗意事捉手一笑失  
 瀾翻誦新詩與山爭秀色歸來對青燈危坐口挂壁  
 翰林謫仙人隱顯吁莫測正恐騎魚去千里作一息

贈瀨可

可師有奇骨吐語愕眾口秀如出盆絲媚若春月柳  
 舊詠雪梅詞便覺落渠後抱病亦同察視身一塵垢  
 臥看東溪雲懸瀑激窓牖廬山久無僧殿閣空華構  
 誰知千巖勝竟入此郎手我癡世不要冷落如弊帚  
 但意君可奪獨能容我不



福唐秀上人相見圓通

廬山萬木春已透，滿目春光迎馬首。北山攫飯借榻，  
眠一任春山穿戶牖。道人聞是福唐來，石門曾結游  
山友。相逢未說一笑懽，且折春色濃如酒。何當瘦藤  
上孤絕深谷，忽驚如錦綉。人生超放當趁健，東風已  
暗藏鷓鴣柳。

飛來峯

意行忽出門，欲留聊植杖。雲開飛來峯，巋然眉睫上。  
氣勢欲翔舞，秀色無干嶂。萬物皆我造，何從有來往。  
大千等毫末，古今歸俯仰。心知目所見，皆即自幻妄。

如窺鏡中容，容豈他人像。頗怪胡阿師，乃作去來想。  
此意果是非，一笑聲輒放。且復臨冷泉，舉手弄清漲。  
崇因會王敦素。

眼高四海語英發，自應文章有家法。金陵地肺山川  
驕，要君詩句時彈壓。東來藉甚名譽傳，景星瑞鳥人  
爭先。忽驚華氣傾坐客，但覺人品春湖前。一盃春露  
容同啜，更看歸舟登一葉。遙知笑語散驚鷗，萬頃煙  
波上眉睫。念君懷中有卿相，何時摸蘇一唾掌。要看  
儒林萬口誇，文公諸郎能世家。  
聞端叔有失子悲而莊復遭火焚作此寄之



一子被奪去困廩遭火焚冷官寄僧舍僮僕臥朝昏  
平生五色筆落紙生煙雲文章竟何用袖手聲一吞  
東坡昔無恙豪俊日填門君如汗血駒膽氣終逸群  
坡今騎魚去衆客亦繽紛翩然淮海上霜鬢此身存  
我亦識坡者一見等弟昆乃知水與乳自然和不分  
心期管一笑發君雙頰温那知墮機筭面上餘唾痕  
我公佯瞋睡嘲諷了不聞遙知讀此詩拊手髯一掀  
七夕臥病敦素報云道夫已至北山遲遲未入  
城其意耽酒用其說作詩促之

去年鍾山今夕晴一豪興發來扣爲開軒咄嗟辦法

供一味萬壑松風聲頽然意適相枕臥便覺語笑紛  
喧爭我方小立倚風檻君忽蹶起孤髻撐今年此樂  
墮渺葬維摩臥疾毗耶城烏衣郎亦憎裕子閉戶臥  
看星河橫美髯和易坐畏暑扁舟散髮歌月明遙知  
君定宿浮玉詩狂欲跨橫海鯨傳聞已至蔣陵塢留  
滯未歸宜一押連床夜語久不理硯席忍垢珠網生  
乃爾彌日復信宿不爲萬頃無濁清推擠不去有深  
意戀此百甕郎官清甕邊被縛真有道酒後耳熱良  
高情不嫌折簡苦招喚要看欵段兀醉醒

冬白顯寧偶書一首



山舟不肯留白髮日夜益曉窺青銅光乃覺朱顏失  
故人半凋零行吟百憂集舊山天盡頭歲晏衰眼力  
高枕此山泉比興復何日百年暗相驚奔忙如瞬息  
喬松亦已塵仙術無煩乞

禮法日荒蕪坦率日增益唯餘枯藤枝起坐不相失  
山枕孤雲歸林寒倦鳥集愛此亦題詩鈍澁見才力  
乃知衰老來全殊少年日勞生知幾何萬事歸嘆息  
鋤斧好濯磨當就阿誰乞

和靈源寄瑩中

此來漸覺身無累欲學瀟溪諱名氏鍾山萬頃獨經

行山日松風吹凍耳聞有僧從法窟來當鋒戲作橫  
機試探懷示我妙伽陀兩翁回互偏中至乃知道德  
無貧賤相求亦相契妙談何日看揮斤此老鼻  
端有餘地

王敦素李道夫遊兩翁軒次敦素韻

茅簷分首纔信宿佳句俄驚照雲谷兩翁誼間姑置  
之銀鈎勒出鬼神哭識君筆力回春工妙語天成絕  
雕斲是時秋陰潑庭戶微月瓏璵隔寒竹便覺玉川  
照映人譬如六月失三伏深雲開軒亦不惡窓戶清  
紅照林麓方欣杖履日追隨漸喜並崖村路熟平生



撰述  
與山寔神會戲語嘲詞雜山綠要當終副此軒名絕  
境於君豈宜獨懸想青燈夜對床香火淨緣期昔夙  
此詩煩寄謫仙看要使軒渠笑捧腹

奉陪王少監朝請游南澗宿山寺步月二首

朝爲北山遊暮作南澗宿此生亦何幸稱心良易足  
青燈委昏花笑語暖幽獨月出東南峯升此一輪玉  
開扉發清嘯意行無澗谷勝韻高摩空妙語清到骨  
親朋萬石門門吏千鍾祿如何飯薇蕨衲子相追逐  
明年守北屏夜直黃金屋應懷此夕游夢想亦清淑  
定有寄來篇吳棧煩自錄

單衣喜和風詩眼愛空翠野亭亦翛然散坐聊倦倚  
坐久忽聞樵見視一笑喜那知深林外曲折見流水  
幽光弄紺碧春色潑秀氣去爲千頃澤隄柳相嫵媚  
月光方下徹浮空見頽尾投礫戲驚之撲撫沙禽起  
歸途望林壑煙靄隔山寺便如斜川游歲月亦相似

浙竹

龍孫初長浙江曲踈影蕭蕭濯寒玉平生知愛足風  
流只有山陰王子猷而今流落蒼崖頂暗換年光鄉  
路永冰敲雪壓未應衰鷺鳳不棲空故枝堅幹猶堪  
製長笛最合官商勝金石爲君吹動鏡湖秋驚起雙



龍翼小舟

觀山茶過回龍寺示邦基

北窓賞新晴睡美正清熟竹雞斷幽夢朦朧不能續  
 臥聞故人家山茶已出屋欣然一命駕妍暖快僮僕  
 千朵鶴頂紅染此一叢綠坐客例能詩秀句抵金玉  
 携過回龍寺掃壁為君錄逸筆作波險歌斜不可讀  
 坐驚殷床鐘暮色眩雙自入關更清興市井亂燈燭  
 人生分萬途稱心良易足時平且行樂餘賓非所欲  
 次韻葉集之同秀實敦素道夫游北山會周氏

書房

王郎本豪放富貴纏縛之頗復厭絲竹來聽松風悲  
 葉侯須似棘談兵輒紛披恃此文武膽英氣吞北西  
 正直威鬼神動欲焚淫祠道夫憂國心造次常念茲  
 事功未入手憤酒誰共釀正恐追老范一吐胸中奇  
 秀實氣剛大歸宿未易期新詩弄清婉霜曉臨湘湄  
 鍾山冠世境登賞乃所宜林間見隱者面有無求姿  
 不必問賢否但讀諸公詩我無支遁才敢逐王謝為  
 推擠幸不死豈非憐其癡一昨閱詩戰望見什旌麾  
 今能犯矢石居久氣自移

洪玉父赴官潁川會余金陵



迂踈世不要冷落眠山寺空山斷往還落花自流水  
平生所懷人那料千里至權極看屋梁通夕不成寐  
曉從城郭來山亦爲余喜登門見眉須已覺增爽氣  
洪徐皆人龍論議例英偉君於二老間妙語發溫粹  
胡爲下僚中混此萬乘器攝衣願從君舉步懼推鄙  
安知出愛忘劇談略勢位便欲攜與東載我以船尾  
予生分竒蹇事事得敗意獨於天下豪未識已神契  
天公亦見憐以此厚我耳西湖今古勝前輩風流地  
風月久乾沒畫舫誰料理行當入君手想見飽風味  
不得陪清游起坐終夜喟定有湖上詩無辭遠相寄

珪粹中與超然游舊超然數言其俊雅除夕見  
於西興喜而贈之

蜀客快劇談風味出譏誚衆中聞巴音必往就一笑  
道人西州來風度又高妙吾家長頭郎高蹈萬物表  
平生少推可說子不知了吾初意魁梧一見殊短小  
篝燈款夜語每每犯吾料貌和華林風氣爽霜天曉  
坐令岑寂中絕塵追騷襲君看顯與訥出蜀亦同調  
竟如衆星月聲光潑雲嶠子亦當加鞭歲月一過鳥  
陳瑩中自合浦遷郴州時余同粹中寓百丈粹  
中請送之以病不果粹中獨行作此送之



我懷希夷老如啞無處訴忽聞得生還失聲喜能語  
 想見如鏡中仙風拂眉宇欲問華嚴宗忽覺隔吳楚  
 攝衣出從之久疾恐頓仆佳哉蜀道人精爽馳捷武  
 殷勤願偕行得書即徑去我生百無求青山滿門戶  
 公卿一破散掉頭不回顧斯人獨難忘自不知其故  
 夙昔當問佛亦法侶達書理故事已辦住山斧  
 太虛吾斧柄能收取

石門文字禪卷第三

刑部郎中金壇于玉立施刻此卷 海盜了緣  
 居士對 長洲徐普書 上元李燦刻  
 萬曆丁酉仲秋徑山興聖萬壽禪寺識

石門文字禪卷第四

宋江西筠溪石門寺沙門釋德洪覺範著  
 門人覺慈編錄 西眉東巖旌善堂校

古詩

同敦素沈宗師登鍾山酌一人泉

鍾山對吾戶春曉開煙鬟白雲峯頂泉紺碧生微瀾  
 經年未一酌對客愧在顏兩翁亦超放瘦策容躋攀  
 大千寄一瞬境靜情亦閑是時天慘愴佳處多遺刪  
 立談共嘲謔豪氣破天墜臨川冰玉清風流繼東山  
 茲游適所願但恨無弓彎東陽丘壑姿癡絕膽亦頑



孤坐巉絕處，掉頭不肯還。天風吹笑語，響落千山間。  
 歸來數清境，但覺毛骨寒。從君乞秀句，端為刻爛斑。  
 敦素坐誦公，衮烏白樹絕句。嘆愛不已，其詩云：  
 三年逐客弄湘流，華氣遮欄兩鬢秋。祇有荒  
 寒江上樹，尚成詩句聚眉頭。成此寄之。

我不識公衮，時時見醉墨。愛其吐詞氣，人品極英特。  
 君看句中眼，秀却天下白。前輩風流盡，尚復餘此客。  
 世議隘不容，道山歸未得。三年謫湘楚，妙語敵山色。  
 歸來大江南，聲價長籍籍。我亦不羈人，夢境聊戲劇。  
 要當徑尋君，已辦登山屐。想見一秃翁，攫攘吾輩側。

提舉范公開軒面鍾山名曰寸碧索詩

湖山煙翠層千葉，青蓮折公家蓮。菡間如眼不自覲，  
 一登功名途富貴。相追迫開軒，延爽氣在笏。望秀色  
 鍾山盤萬丈，雲破見尾脊。殷勤度邑屋，分此一寸碧。  
 升空帶青小，撐漢螺髻出。我亦個中人，登覽增眼力。  
 知公寓逸想，喧不礙岑寂。給札令賦詩，相顧愕坐客。  
 愧無莫雲詞，澹公雪色壁。

次韻彥由見贈

華亭富文物，最後機與雲。妙年翰墨場，唾手立奇勳。  
 萬物鼻一壘，馳掃數揮斤。道人出塵者，一見過所聞。



置之緇衣林玉石宛自分能將雪溪畫解道青龍盃  
 超然勁高節冰雪看此君故應知見熟玉骨久受熏  
 天眼視浮俗爭奈空前焚我尋住山侶識子吳江濱  
 人生各有適未易分黠齷風物亦自私草木俱忻忻  
 何當斷岸塢賡歌蒼石垠我詩無傑句愧子才逸羣  
 此篇頗尚有句意雅而文把玩值清月林影白紛紛  
 高懷亦自放豈以我輩云君看功名事真如過耳蚊  
 行將挂社籍蓮沼開奇芬勞君讀此詩正如猶與薰  
 與嘉父兄弟別於臨川復會毗陵  
 君家兄弟萬人傑何止才容誇兩絕憶昨江南山盡

頭西津渡口曾相別君時慘然縷制中行將扶護歸  
 吳越我亦買舟還故山社燕秋鴻那忍說客中不覺  
 舟壑走邇來飄忽經歲月毗陵那料又相逢喜君美  
 髯冰玉頰竹軒堆髻話臨川清論無窮如鋸屑意消  
 已覺在秋鄉坐令五月失炎熱歸來喜甚不成寐起  
 步空庭聽風葉念君姓名懸睿想吳江未可停舟楫  
 欲看驪裘付王良相鼎煩君為調燮平生無求任所  
 見往往撩人面紅列侍君猶作故人看此詩聊當名  
 紙謁

法雲同王敦素看東坡枯木



此翁曾次足江山萬象難逃筆端妙君看壁間耐凍  
枝煙雨植芽出談笑想當卻立磴礧時醉魂但覺千  
岳曉恨翁樹間不畫我擁衲扶筇送飛鳥併作玄沙  
息影圖禪齋長伴爐煙裊王郎自是玉堂人風流合  
受鶯花繞何爲愛此枯瘦枿嗜好果超凡子料爲君  
援筆賦新詩詩成一笑塵寰小

送訥上人游西湖

西湖招提三百六佳處如春在眉目一番雨過吞青  
空萬頃無波鴨頭綠望湖樓閣獨自登煙霏向背嶺  
寒谷想見襄陽孟浩然此中有句不容續道人生長

西山阿骨清氣明韻拔俗久居京國厭塵土一夕歸  
心俊如鵠明窻爲君研破硯落筆轉頭風雨速龍山  
深處如定居就彼結隣容我卜

送僧游泗洲

濁流一千里快寫如建瓴解舟東灣橋晝夜不得停  
忽驚萬頃碧一舉當眼青自推解艫窻出步楊柳汀  
精神覺蕭散鶴雛生翅翎僧伽坐閱世層崖登青冥  
生涯亦何有隨處懸盂瓶洗心依老宿湛意終殘經  
回頭太梁夢塵迹俱周零余亦厭久客行趁東揚舲  
會宿淮山陽話此遭重蒸看君新句法霜刀新發硎



余過山谷時左睡覺且以所夢告余命賦詩因擬長吉作春夢謠

芭蕉莫寒心欲折密燭華光清夜白春風吹夢正扶搖  
高墮落銀蟾穴青鸞睡穩雲委地桂葉初齊香不  
千門萬戶金碧開時時忽見如花妾心清別殿聞  
覺來殷枕哀怨聲月廊花影無人問金鴨香消風

郭祐之太尉試新龍團索詩

政和官焙雨前貢蒼壁密雲盤小鳳京華誰致建溪  
春眷恩分賜君恩重綠楊院落春晝永碧砌飛花深

一寸門下賓朋還畢集碾聲驚破南窗夢高情愛客  
手自試春霧脚築雪花湧聚觀詩膽已開張欲啜睡  
魔先震恐我有僧中富貴緣此會風流真法供定花  
磁盃何足道分嘗但欠纖纖捧七杯清風生兩腋月  
脇澄魂誰與共戲將妙語敵甘寒詩成一甲盧仝塚  
戒壇院東坡枯木張嘉夫妙墨童子告以僧不  
在不可見作此示汪履道

雪裏壁間枯木枝東坡戲作無聲詩雪川謫仙亦豪  
放酒闌為吐煙雲詞闌傳秀色絕今古正如四月出  
盆絲老僧遮護不許見敲門游客遭慢欺我來擬看



亦乘興盡却還君勿嗤

次韻太學茂千之

君詩清絕若冰壺讀之十年失煩暑我雖好吟無逸  
才空有千篇俗於土料君臍腸飽清秋馭風騎氣無  
何游投毫欲和先噪吻詩源慳澀勞披搜吾廬題者  
徧今古今古當以君為優我今即死且無愧先生未  
識真吾羞

蔡老有志好學識面于京師作此示之

道人西嶽卒氣與秋爭曉讀書如壁月罅隙必委照  
當從賢俊游運斤端得妙儻明句中眼王良控騾囊

嗟余老漸衰綠髮亦加少喜君解妙處見薄而知要  
錄余一千篇正可付一笑同歸漳水垠乘月各清嘯  
睡起山花開脫履萬事了

金陵吳思道居都城面城開軒名曰橫翠作此  
贈之

醉穩琴無絃乃得琴中意詩髯軒無山而有看山味  
青山隨意有那復問城市醉眼看雉堞便覺是橫翠  
因以名吾軒坐臥增爽氣春花解言語風松中宮徵  
我來不能辨夕陰滿窻几頗怪靈鷲峯顛狂復飛至  
清嘯呼白後愧我非慧理戲題五字詩平淡出奇偉



君應意挑戰詎敢摩其壘大勝賦子虛誇詞託下是  
余將北游留海昏而餘祐禪者自靖安馳來覓

詩

莫煙重山翠微風壯松悲吾爲五頂游稅駕脩水湄  
阿餘幽國來細路盤顛危裹飯夜兼程杖笠寒相追  
入門一調笑如獲璧與珪問來何所欲雅意在詩詞  
念余綠髮日不減子輩癡是中有何好迷著不自知  
敗煤磨破硯凍筆時呵之詩成思掀豁熟讀忘倦疲  
乃知少年病根蒂老未移雙林古禪宇檀越多孝慈  
明年東游還買山縛茅茨市蔬近易致紅飯熟夜炊

得飽即甘寢萬事付兒嬉子輩當從我林麓相追隨  
十年何足道樂死以爲期

游薦福題淺沙泉

六月稻田龜兆坑十日愁霖潦翻室試來出下酌此  
泉寒一泓無減溢以杯浮之著沙石戲投鮒魚露  
尾春誰令空塔響環珮臥聽冷然心境寂詩成窻戶  
濕空翠便覺西山排闥入

獄中暴寒凍損呻吟

由心有癡愛癡愛乃有業因業疾病生痛此百骨節  
聲相成呻吟齒頰空咬齧側眠看圍扉以手枕屣



觀此心無形安得有業結業結如空華病寧有枝葉  
方作是念時顛倒想即滅心造古佛樣路入法界轍  
稽首甘露味銷此煩惱熱

御手委廉訪守貳監勸劉慶 裕二十三日復收  
入禁將入獄憂無人供飯有銀一兩錢六百  
以付來勝甫勝甫曰此止可辦半月過此如  
何余默計曰有官飯耳

出獄未兩月單身寄孤館別甌容搭餽酬以條椀盞  
那知復入獄親舊無半眼但餘半月糧何以供歲晏  
摩娑沒柄杓准擬喫官飯來生空歛眉其室亦喟嘆

叢林明白老寰宇洪覺範所至神物護爾輩見不慣  
我說此偈已萬象俱稱贊

與黃六雷三

我覓應傭者忽得黃與雷結束頗精悍拱喏駭吾儕  
從余今幾日臨事見肺懷立身守中直勿自無疑猜  
為奴不欺主乃是廊廟材何必弄筆語然後為賢哉  
紛紛貴與賤百年同一杯施擔坐亦汝萬事付浮埃  
超然攜泉侍者來建康獄慰余甚喜作此

堂堂福德相凜凜龍象威天神護戒足山鳥曾巢衣  
彌天並輿載清涼七帝師其徒今日榮渠心終笑之



一鉢游人間不言行四時胡爲肯至此驚定心愈疑  
乃知明月淨曾不憎汚池異哉月苑星隨逐相因依  
群囚手加額雀息瞻梵儀吾亦失沉痾一笑歡解頤

次韻雲居詮上人有感

招詢坐多談近稍遵寡語仰嗟濁惡世友道終愧古  
君獨淡無營誦經如布穀見人作白眼此意吾亦與  
十年雲水間所至每同處舊游雖陳迹歷歷尚可數  
更期秋風高結伴湘山去我生無寸長百事仍莽鹵  
不知獨何修得與君輩伍無乃造物者不殺念癡魯  
雲居無所爲粥飯聽鐘鼓不材獲飽暖此德荷佛祖

詩成自誇笑聞者亦驚顧已決寡語隄事過乃知誤  
畢卓臥甕邊謝琨挑隣女見之獨傲然真情人不怒  
君能識此意吾語亦可恕

大圓庵主以尤祖畫像遺作此謝之

大圓庵中亦何有但有草座枯藤枝朝來壁間亦圖  
畫何從貌此寧馨兒髮光抹漆膚琢玉坐睡俛然方  
拄頤當時兩脚不肯舉今雖有口如當時知誰逸想  
寓此意必也高人非畫師我遭俗真坐多語坐客厭  
處終不疑興來曳杖出門去路窮回反無澗谿見之  
心作有愧色君以贈我聊鍼之亦知福心當服韋命



車何必先鋒爲從今靖然痛堅捍正恐習氣時決隄  
細看忽憶孔北海曾讀曹瞞禁酒詞

送凝上人

我生風韻無塵埃揚清激濁心不回少年不忍混白  
黑出言動輒爲身災突汀出岸水必拍喬木顛林風  
必摧乃知此世要不免毀譽於吾何有哉君今欲脫  
此等憂獻君一策真良謀人言白璧爲石頭唯唯慎  
莫分劣優坐中亦復發一語衆將環視如仇讎此策  
簡截君牢收飽食熟睡且隨流泛然四海無不可人  
將愛與君同游

謝李商老伯仲見過

破屋如馬廐楚囚亦王尼名士連壁來下馬氣吐霓  
論高玉屑鋸意妙雞駭犀君看八尺姿一尾抹萬蹄  
弟昆清淨妍俱當藉金閨胡爲披白恰作隊趨塵泥  
漏風駝止臥跨海鷗方棲何時對陛下道與稷卨齊  
功成歸脩水春風雨一犁嗟余世不要所至值澗溪  
願從諸郎游日涉長灌畦

別潛庵源禪師

寶公禁鎖尋常事形如聚墨非實然潛庵去眼十五  
白再見敬仰加拳拳黃龍今代南陽老而公不減真



世說  
石門文選卷四  
耽源眉須俱荒氣深穩幻滅都盡光渾圓公登八十  
我纔半道義乃爾相忘年西山無時渡漳水洞壑儼  
在眉目前祝公勿學亮座主興來徑往呼不旋

宿宣妙寺

衝虎困頓歸投枕眠爛熳夜晴霜月苦睡美不知日  
日高披曉綠萬事付衰懶百年炊黍久強半得憂患  
起臨清淺流白髮不可揀此生終一壑形勝已入眼  
明年定來歸茅屋並崖瞰掩門無營爲一味工寢飯

次韻

我昔度漳海夜浪光漫漫經旬困掀簸飲食借日白

動輒值墻壁更覺歸心懶平生百念灰但有身爲患  
臥看生與死兩者無可揀那知故園山秀色長在眼  
愛此  
冽崖中有山房暇會當持老齒嚼此無沙飯

三月喜超然至次前韻

楊柳風蕭蕭芙蓉蕖晴漫漫水閣試新涼披衣快清旦  
幽居非養高一榻聊醫懶嘿觀四大空吾復有何患  
上人超詣姿叢林得精揀勿嫌白兆村真是人天眼  
穿雲得得來其他空非敢遂爲信宿留與子同朝飯

謝忠子出山

道人棄家年最少毛骨稽山冰雪妙爲余遠出仙廬



峯雲晴水寒，秋自曉孤風。峭世鳳增擊，高誼映入珠。  
自照嗟余苦，遭夢幻纏龜。囚蠶縛何時，了明朝定向。  
舊廬歸想見，盤空雲露小。當期半夜立，西風月中拾。  
取吹來嘯。

示忠上人

啞羊苾芻紛作隊，口吻遲鈍懶酬對。猛公來自自知足，  
天南山爽氣增十倍。為公放意談海山，神願透出形骸外。  
八月中秋滋露華，千崑尺壁生光彩。正當刻志從爐峯，  
看子穩騎元氣背。

懷忠子

昏花委篝燈，夜雨集梧井。空房啣飢鼠，壞壁咽寒蚓。  
有生獨多艱，念極淚殷枕。親朋勢宜絕，醜惡諱聞聽。  
棄遺等苦李，零落如斷梗。忠也新數面，義已到刎頸。  
願留廣推擠，守護輕軀命。逐臭寧有理，嗜茹亦天性。  
人情骨肉離，道義燕秦并。相逢百夢中，如熱啜甘冷。  
氣清秋潑山，韻勝月夕鏡。何時一丘壑，攜子脫塵境。  
風林作清獻，追步千峯頂。

次韻彭子長劉園見花

我昔海山度寒食，雖有花看非故園。今年寒食花又見，  
已在故園疑夢魂。虛弦喪氣念前痛，瘴面敢辭增。



唾痕此生流落坐曠達晚悔坦率加辛勤覺城老子  
 天乞我人品秀拔高摩雲定應分身絳闕想見珮  
 璫裙褶纈君看翰墨吐秀句綠楊春重合朝噉袖中  
 功名未暇探且復行樂追幽欣陋邦忽見洛陽面為  
 誰扶頭清露翻殘春風白太醇醲發粧初罷爭迎門  
 豐肌忍調懶髓醫笑渦尚初紅潮温謫仙點筆風雨  
 疾少陵眼寒煙霧昏公獨寓之一戲耳寧用解語左  
 佐尊夜深秉燭花不睡飲到落月窺金盆情鍾耳熱  
 意一折賦詩遶紙風雷奔詩成我讀輒起舞自忘首  
 秃衣繼杵冷然馭風欲仙法引手便覺天可捫歸來

僵臥數屋角萬象困頓天不言

石門中秋同超然鑒忠清三子翫月

三年竄南荒兩過中秋夕月不棄羈囚高義照罅隙  
 凜如寢雪霜但覺炎瘴失夢清不敢歸鯨浪濺天白  
 中原一轉首心折數弟嫉遙知亦念我看至玉輪側  
 有生窮至此甘作死生隔今年又中秋氣味如夙昔  
 筠溪遶茅廬波影登几席危磴通石門高眺屢顧陟  
 空山夜氣升草木正蒼鬱超然凜清癯可即不可及  
 華紛落無餘但見霜露實三子新聞舊學問川增益  
 駿氣不受羈奔颿初伏櫪人生一大夢聚散兩戲劇



境豈妍鄙哉而心自南北忽驚西樓高含光下注射  
林葉動流水楯瓦粲佳色翩然步脩徑杖履草露濕  
地坐閒無入但聞蟲唧唧清境難抱石秀句爲收拾  
明年當復和勝踐要綴續晴陰萬里同世路致欣戚  
付與市朝人舉酒相歎息月雖默不言涇渭視喧寂

見蔡儒效

一昨海外歸盡見故山侶夫子獨未見夢想識風度  
今日復何日乃獲抵掌語猶疑是夢中驚定無所覩  
欣然誦新詩句法雜今古初如涉微波沙石俯可數  
忽驚鋒刃攢凜然爲毛豎可讀不可識森嚴開武庫

百態出俄頃春破賴綴補詞高殆天得那借江山助  
人間有此客而使衣泥土君看絳闕姿矯不受控御  
太言卷上商坐此得齟齬天公聊戲之一官良蹇寓  
天風吹綠鬢醉眼蓋寰宇閭浮一漚耳是身等唾霧  
功名付擲揄富貴我劇具道山弱水上凝睇隔煙雨  
夜晴覺天多月好笑起舞引手挽醉袂恐騎紫雲去  
余自太原還匡山道中逢澤上人與至海昏山

店有作

凶衰不祥憂患變臥念余生真自厭向時衣袂識天  
香榻來唾痕餘瘡面故人訶譏豈忍聞新交推擠不



容喘子獨心翔異衆人追逐南來不辭遠重逢難取  
 夢中物一權且喜身俱健忽憶南荒海外時敢料北  
 山松下見鶯唇清滑柳困頓醉人春色初醇醲莫涼  
 香霧滿村落軒包到榻眠山店我已歸休萬事足但  
 餘老眼遮黃卷靜時頤紹痛誠我先須從此焚破硯  
 念子懷親渡大江枝葉行復登淮甸分攜一語有精  
 神行藏直使珪無玷

十六夜示超然

山深久不晴領略三伏暑夜涼聞風泉疑作空階雨  
 但覺紙窻明不知山月吐堦除偶獨立滿庭浩風露

室間門未掩時有飛螢度餘生願俱子萬壑千巖處  
 艱難百夢中長恐此心負今宵復對榻樂事遽如許  
 地偏心亦遠喜俗憂自去風光如輞川窈窕辛夷塢  
 以短暴弟長正坐功名候何如廬山陰一水斷世路  
 持遠兩鏡臨於中可無觀此詩若散緩熟讀有奇趣  
 便覺陶淵明彷彿見眉宇

瑜上人自靈石來求鳴玉軒詩會予斷作語復

決隄作一首

道人去我久書問且不數聞余竄南荒驚悽日枯削  
 安知跨大海往皮如入郭譬如人弄潮覆却甚自若



旁多聚觀者縮項膽為落僻居少過從閒庭墮鬪雀  
 手倦失輕紉扣門誰剝啄開關忽見之但覺瘦雙鑠  
 立談慰良苦兀坐敘契闊誰持稻田衣包此剪翎鶴  
 遠來殊可念此意重山嶽惻惻見無華語論出稜角  
 為余三日留頗覺解寂寞忽然欲歸去破襪不容捉  
 想見歷千峯細路如遺索相尋固自佳乞詩亦不惡  
 而余病多語方以默為藥寄聲靈石山詩當替余作  
 便覺鳴玉軒跳波驚夜壑

余所居寺前有南澗澗下淺池每至其上未嘗  
 不誦柳子厚南澗詩又恨東坡不和乃和不

超然

駁雲漏微白諸峯後曉時飛檐寄木杪晴瓦暗差差  
 意行愛倉涼地坐休頓疲哀蟬尚泣露積水欲生漪  
 瘴疴餘睡色破襪老垂垂心事世途悞風神丘壑宜  
 高標誰對我白鳥深自知重來應邂逅歸去不須期

追和帛道猷一首 并序

山陰帛道猷詩寄道一有相招之意曰連峯數千  
 里脩竹帶平津雲過遠山翳風來梗荒榛茅茨隱  
 不見鷄鳴知有人閑步踐其徑處處見遺薪始知  
 百世下亦有上皇民政和六年正月十日余已定



居九峯而超然輩皆在已無所羨特味猷詩追繼其韻使諸子之和之

永懷山陰老漱流味餘津幽尋見蘭叢蒼然出荆榛便欲卽之語忘其千歲人歸休正吾志理順如析薪夜春博飯喫猶勝海南民

次韻公弱寄胡強仲

念昔謫海南路塵吹瘴風未卽棄溝壑尚在捨索中親朋半天下萬里不一逢髯胡豈有罪乃肯與我同情親等昆弟使令惟西東時爲解我語道大自不容邵陽雨中別涕淚落無從我伴有形影渠歸無僕僮

三年鍛百巧遂成瘡與聾今日復何日嶽寺聞樓鐘聚觀迎萬指登睫排千峯黃泉天復見白骨肉已重髯雖未對面音問已喜通夫子佐响嘯有道如葛洪筆力扛九鼎奇語出遽忽長篇春爭麗送我歸新豐且約老南嶽幅巾追瘦筇拊手輒大笑此計隨虛空山林當付我君事侯與公麒麟未易系健鷗那可籠重陽後同鄒天錫登滕王閣

閑中過却重陽節江城風雨吹黃葉與君來游亦偶然聚立西偏讀豐碣凭欄眼界得天多雨脚明邊飛鳥滅西山向人亦傾倒犯雲爭來獻層疊未歸負負



無可言相視心知慚在頰會當却立雲生處縱望晴  
江生雉堞尚喜清游不屬人故作此詩相暖熱

次韻天錫提舉

攜僧登芙蓉想見綠雲徑天風吹笑語響落千巖靜  
戲為有聲畫畫此笑時與夙習嗟未除為君起深定  
蜜漬白芽薑辣在那改性南歸亦何有自負蘆園柄  
舊居懸水旁石室如仄磬行當洗過惡佛祖重皈命  
念君別時語皎月破昏暝蠅頭錄君詩有懷時一詠

次韻吳提句重九

朝來多爽氣拄笏望西山看君此標致合在臺閣間

賴有宗之輩文字相往還遙知醉九日紅潮生玉顏  
嗟予抱瘡痂古寺長閉關亦復把霜葉行嗅賞餘閑  
琢詩償清境索句常苦艱愛君吐雲詞端為破天慳  
氣勝起疲墮語妙鏤老頑正當作小字明窓寫爛斑

勸學次徐師川韻

揭陽濱瘴海苦霧搏蠻煙自古無衣冠安得禮義傳  
韓子見而歎豈是終棄捐選士得趙德講學與周旋  
遂為鄉里榮士慕舊而先却後三十載才者森排肩  
東甌贅華夏西漢為邊沿民俗號殷富亦有佳林泉  
黠者事商販朴者工力田自隋迄于唐稍知慕華軒



乃有歐陽王粹然而出焉古文有師法學問知淵源  
其後賢者至雜遝盛中原至今號多士富貴爭熏天  
江南佳麗地南昌富山川幽谷抱歐峯西山秀氣連  
地靈祕竒運當有命世賢山輝玉韜石水媚珠懷淵  
君看烏衣裏俊雅爭清妍治朝開三舍精揀無遺篇  
幸當勤燈火無忘臨簡編會看起白屋寧遭犯青錢  
大當到三事小當步八磚趙德歐陽生豈獨令居前  
努力各自勵請視徐子言窮耕有惡歲惰農無豐年  
言小可喻大歲晏宜勉旃

送文中北還

瘴海夜成焰鬼關晝常陰柵廬餘百家間見椰子林  
居人例椎髻豹狼而衣襟語言不可讀冥目以意尋  
居然不可解欲問返如瘖君持使者節風彩動雲岑  
軒渠笑時語萬籟轉笙琴余方臥園土蹙然欣足音  
相逢春脫手歸意不可擒便覺暮雨山掃空煙翠深  
袍袴洗羊負項背逃芒針乃爾徑去亟翩翩出籠禽  
津渡已撾鼓高帆摩天心行矣勿作惡萬事付醉吟  
當會西林下相對說如今

次韻彭子長僉判二首

我窮親舊絕君來殆天遣度關一句妙不撥機自轉



冷人意頽然益如醉黎衍黎人謂飲酒為衍也新詩麗吳姬霧鬢風前卷細看發豪放川犇驚地喘才高那可妬默念耳自反不禁數餘年三眠蠶欲繭思君誰與同月度微雲淺

愁如羊公鶴毳氈費推遣心如旋磨驢日夜團圞轉夫子為譏訶譬說頗蔓衍愁心得少休忽作象鼻卷出門無所詣地坐息疲喘路窮輒一笑興盡復回反風光聞布穀人家初煮繭倚藤望九峯層疊分濃淺  
重會大方禪師  
霜顱玉骨眉有稜孤風照人虔敬增寒松撼空夜瑟

瑟古井吞秋波不與天柱峯前額加手一別十年彈指久嗟予塵土化征衣愛君坐中舟壑走繩床為拂兩頭塵響各空巖笑語新人間何從得此客解令寒谷夜生春

大方寺送祖超然見道林方等禪師

道林一身渾是德別來遙知領髭白尚記山房夜語時睡笑訶譏盡秋色黃龍開二甘露門靈源方等真弟昆道林真珠撒羅帳昭默霧豹方埋文鷲王自應能擇乳飛黃領得王良馭東風吹散嶽山雲道人明日當歸去故人若問老垂垂為言肘骨露麻衣赤頭



已作齊眉雪自提風帽海山歸

義牯

快山山淺亦有虎時時妥尾過行路一豎地坐牧兩  
牯以糞捶地不知顧虎搏豎如鷹搦兔兩牯來奔虎  
棄去回往荷庠挨老樹牯相喘視同守護虎竟不能  
得此豎豎雖不救牯無負一村貴傳共鳴鼓而虎已  
逃不知處嗟乎異哉兩大武高義可與貫高伍令走  
仁義名好古臨事真情乃愧汝此事可信文公語為  
君落筆敏風雨

石門文字禪卷第四

刑部郎中金壇于玉立施刻此卷了緣居士對長  
洲徐普書灑水芮一鶚刻 萬曆丁酉秋徑山寺識





